

Փոխանորդն Յունաց . Հայք օրինաւոր ոչ դատին ըզպատասխանիս մեր , և թէ շինուածքն աւարտեալ են նախ քան զթուական հրովարտակին . այլ զի մեզ յանձնեալ է ընդհանուր նորոգութիւնն , որոյ վասն խնդրեմք վաւերումն շինուածոց , որք ամբոխեալ կրիւք ասեն թէ հակառակ վարին հրովարտակին , և զի յիշեալ է 'ի նմին թէ ջնջեցան երեքին հրովարտակք Հայոց . բառք ջնջեալ՝ նշանակէ իմաստիւք նոցին շինեալ իրաց խափանումն , և բառք այսուհետեւ՝ եթէ միայն վասն ապառնի ժամանակի լինէր , չէր հարկ ջնջումն հրովարտակաց , այլ զի կան տակաւին կանգուն շինուածքն , սարտ է կործանել : Հայք յեցեալ են 'ի բառն այսուհետեւ , և ոչ ակնարկեն 'ի ջնջումն հրովարտակաց իւրեանց , զի յորմէ խուսարեն՝ 'ի նոյն ըմբռնին : Եւ հրամանագիրն վասն դատին Լատինաց է , եւ ոչ կարէ խափանել զգործադրութիւն հրովարտակին :

Հաճից Բաշխա էֆէնտի . Բովանդակ շինութիւնք ըերին Ձիթ ենեաց՝ կանխագոյն է քան զթուական հրովարտակին Յունաց , և Հայք ասեն՝ թէ պէտեւ նորոգութիւնն յանձնեալ է Յունաց , այլ այն այսուհետեւ է , և ոչ վասն անցեալ և ներկայ ժամանակաց : Յոյնք պնդեն թէ ջնջեալ են հրովարտակքն , խափանեալ են եւ շինուածքն , եւ թախանձեն զկործանումն նոցին . այդ կախեալ է 'ի հրամանէ և 'ի կամաց մեծի Տէրութեան , ուստի չէ հարկ երկուց կողմանց կուտակութեամբ բառից վէճս յարուցանել 'ի կորուստ ժամանակին : Յետ այսր՝ հարցումն ուղղեաց առ Փոխանորդն Յունաց և ասէ , բացայայտ գրեալ է 'ի նամակին զոր գրեցիք առ հիւպատոսն Ռուսաց , որ ապա մատուցաւ յոսս նորին Բարձրութեան Փոխարքային Եգիպտոսի , թէ վասն ոչ գործադրելոյ զհրովարտակն ձեր Համտուլլահ Դատաւորն Երուսաղէմի , պատեհ ժամանակ գտեալ Հայոց զարդարեցին զեկեղեցին Բեթղէհէմի և շինեցին վանս 'ի լեառն Ձիթ ենեաց , եւ 'ի քննութենէս յայսմանէ յայտնի եղեւ թէ՛ բովանդակ իրքն լեալ են 'ի ժամանակս Օմար Նասիպ Դատաւորի , եւ ամբաստանեալ Համտուլլահ Դատաւորն չունի ինչ տեղեկութիւն 'ի նոցանէ , եւ եղեալ իրքն նախ քան զհրովարտակն ձեր է , յորում ոչ են ընդգիմացեալ Հայք , և գործն Բեթղէհէմի բաղկանայ մի միայն